

Na osnovu člana 55. stav 2. Zakona o jedinstvenom matičnom broju ("Službeni glasnik BiH", broj 32/01), Ministarstvo civilnih poslova i komunikacija Bosne i Hercegovine, donosi

PRAVILNIK

O NAČINU ODREĐIVANJA JEDINSTVENOG MATIČNOG BROJA STRANIM DRŽAVLJANIMA

(Objavljeno u "Sl. glasnik BiH", br. 39 od 24 decembra 2002, 2/09)

Član 1.

Ovim pravilnikom propisuje se način određivanja jedinstvenog matičnog broja stranim državljanima (u daljem tekstu: Pravilnik) i način vođenja evidencija o jedinstvenim matičnim brojevima (u daljem tekstu: JMB) koji su dodijeljeni stranim državljanima.

Član 2.

JMB se dodjeljuje stranim državljanima koji imaju odobren:

1. stalni boravak u BiH,
2. status izbjeglice u BiH u skladu sa Zakonom o kretanju i boravku stranaca i azilu,
3. status lica bez državljanstva u BiH,
4. djeci čija su oba roditelja strani državljeni sa statusom iz tač. 1. i 2. ovog člana ako su djeca rođena u BiH.

Djetetu koje je rođeno u BiH i koje pripada kategoriji iz tačke 3. JMB se dodjeljuje na osnovu njegovog državljanstva BiH.

Član 3.

JMB stranim državljanima određuje i dodjeljuje Ministarstvo civilnih poslova BiH - (u daljem tekstu: MCP BiH) na zahtjev nadležnog kantonalnog ministarstva unutrašnjih poslova Federacije Bosne i Hercegovine, Centra javne bezbjednosti Ministarstva unutrašnjih poslova Republike Srpske i nadležnog organa koji funkcionalno djeluje kao državna institucija u Brčko Distriktu Bosne i Hercegovine (u daljem tekstu: nadležni organi) na čijem području strani državljanin ima priznati status iz tačke 1. člana 2. Pravilnika.

Zahtjev za određivanje JMB stranim državljanima sa dokazom o statusu iz člana 2. tač. 1. i 2. ovoga pravilnika, podnosi nadležni organ koji je taj status odredio.

Zahtjev za određivanje JMB djetetu iz tačke 4. člana 2. Pravilnika podnosi organ na čijem je području dijete rođeno.

Zahtjev se podnosi na obrascu JMB-S1.

Član 4.

JMB za strane državljane po strukturi je isti kao i JMB državljana Bosne i Hercegovine uz izuzetak da broj registra (IVgrupa) sadrži broj 01.

MCP BiH o određenom i dodijeljenom JMB stranom državljaninu obaviještava nadležne organe iz člana 3. Pravilnika, na obrascu JMB-S2.

Nakon određivanja i dodijeljivanja JMB za strane državljane od strane MCP BiH, nadležni organi iz člana 3. Pravilnika obavještavaju stranog državljanina na obrascu JMB-S3.

Član 5.

Stranac koji je zadržao JMB dodijeljen u smislu čl. 38. i 39. Zakona dužan je da prijavi svoj JMB nadležnom organu iz člana 3 Pravilnika po mjestu prebivališta u roku od šest mjeseci od dana primjene ovog zakona, na obrascu JMB S-4.

Nadležni organ iz člana 3. Pravilnika kada primi prijavu JMB iz prethodnog stava o tome obaviještava MCPK i strancu izdaje obavijest o prijemu na obrascu JMB S-5.

Stranac koji prije stupanja na snagu Zakona nije dodijeljen JMB prema ranijim propisima o tome obaviještava nadležni organ iz člana 3. Pravilnika na čijem području ima prebivalište, koji na osnovu toga podnosi zahtjev MCPK za određivanje JMB strancu.

Član 6.

Evidencija o izdatim JMB stranim državljanima vodi se elektronskim putem u skladu sa Zakonom o Agenciji za identifikaciona dokumenta, evidenciju i razmjenu podataka BiH.

Član 7.

Obrasce koji čine sastavni dio Pravilnika obezbijedit će MCP BiH, odštampane na jezicima konstitutivnih naroda BiH ispisane latiničnim i čiriličnim pismom.

Iz tehničkih razloga podaci koji se na obrascima automatski (računarski) ispisuju iz baze podataka prilikom uručenja obrasca upisuju se latiničnim pismom.

Podaci koje upisuju građani u obrasce, prema izboru građana, upisuju se latiničnim ili čiriličnim pismom.

Član 8.

Ovaj Pravilnik stupa na snagu danom objavljivanja u "Službenom glasniku BiH".

Ovaj Pravilnik će se objaviti i u službenim glasilima entiteta i Brčko Distrikta BiH.

Broj 01/1-1296/02

2. decembra 2002. godine, Sarajevo
Ministar, Svetozar Mihajlović, s. r.